

應徵課欠駒價稻每疋二百束事

右檢案內太政官去延曆廿年三月九日下遠江甲斐武藏美濃上野陸奧太宰等府國符稱去年八月十四日下彼府國等符稱去神護景雲二年正月廿八日格稱內厩寮解稱信濃國牧主當伊那郡大領外從五位下勳六等金刺舍人八磨解稱課欠駒者計數應決而免罪徵價者依律科罪不合徵價者右大臣宣奉勅雖行來年久然為姦日甚自非功徵何遇巧詐宜科罪徵馬一莫所免者右大臣宣奉勅自今以後停徵馬每駒一疋徵稻四百束者今被右大臣宣稱奉勅如聞所徵之價其數既多貧弊百姓不堪填價未進年積公私有損自今以後宜減其數依件令進

弘仁三年十二月八日

〔政事要略五十五〕馬牛事

太政官符停徵課欠駒直事

右參議左近衛中將從四位上兼行近江守清原真人夏野奏狀稱有格徵諸國課欠駒直牧子等不堪其苦競逃他鄉諸國雖共被此弊而信濃尤甚成依監牧與課闕伏望請停徵駒直依法科罪永罷監牧令國司掌者奉勅今所徵稻每駒二百束宜減百束徵百束國司者政事總已不可兼掌牧事須監牧二員省一員留一員國司一人相共檢校其監牧歷以六年為限遷替之日准國司責解由

天長元年八月廿日

私記云問今所徵稻每駒二百束宜減百束徵百束者徵監牧不徵牧子哉何者有格諸國課闕駒直牧子不堪其苦競逃他鄉故減折其直然則不徵牧子哉答尚不徵牧子以上依減折直不可免牧子之

〔令義解八厥〕凡官私馬牛謂文云附朝集使即知帳每年附朝集使送太政官謂自太政官更下兵部即是

官私馬牛帳